

# Manmin nga mga Balita

NUMERO 24 NOBYEMBRE 4, 2012

## Ania ang Gugma og mga Panalangin sa Diyos!

### Ang Ika-30 Anniversary Service og ang Celebration-Performance



Ang Manmin Central Church natukod 30-katuig nang nilabay para sa kaluwasan sa tanang katawhan. Nitubo kinig' nahimong mega-sized Church nga nag giya sa daghang kalag ngadto sa dalan sa kaluwasan uban ang mga tima'ilhan, kahibulongan og gahum sa Diyos. Oktobre 7, 2012 ang simbahan naghimo sa bag-o nga sinugdanan sa pag selebrar sa ika-30 anibersaryo. Ang mga pasundayag sa selebrasyon gihimong sinugilanon diha sa grand stage, ang 'wire-flying action', og ang 'laser beams' nagdugang sa emosyon. Live nga gisibya sa GCN TV og Internet. ■ 1. Senyor Pastor Dr. Jaerock Lee ■ 2. Dr. Frank Wright, Presidente sa National Religious Broadcasters ■ 3. Ang Pasundayag sa Selebrasyon, "Heaven and Earth" ■ 4. Ang Outdoor Photo Studio ■ 5-7: Ang Celebration Eve Performance, "Glory to God"

Oktobre 7, 2012, ang Manmin Central Church nag selebrar sa ika-30 anibersaryo uban sa 10,000 ka mga sanga og nakig-ubang simbahan. Sila nagpasalamat og naghimaya sa Diyos pinaagi sa ilang Anniversary Service og sa mga Pasundayag.

Domingo sa buntag nga serbisyo, si Senyor Pastor Dr. Jaerock Lee ni wali sa mensahe nga "The Church that God Loves: Heaven" basi sa Isaias 60:1-3. Niingon siya nga ang Diyos nipakita sa langit ngadto sa simbahan. Sa pag-ingon nga, sa 30-katuig pinaagi sa pulong sa kinabuhi, sa gahum sa Diyos, og sa taas nga kalidad sa cultural-arts nga mga pasundayag nga maoy nagpakita sa langitnong kaanyag sa espirituwal nga kalibutan, ang Diyos nipakita sa iyang dakong gugma.

Sa serbisyo sa hapon sa ika-30 anibersaryo, iyang gihatod ang mensahe sa titulo, "The Church that God Loves: Earth" kinutlo sa Isaias 60:1-3. Siya niingon nga ang rason

nganong gipakita nato karon sa Diyos ang mga panghitabo sa langit, aron kita mausab ngadto sa tawo sa espiritu, nga mahisama niya pinaagi sa atong mga pagsulay og sa proseso sa pagkabalaan.

Atol sa serbisyo, si Dr. Frank Wright, Presidente sa National Religious Broadcasters nihatag sa mapahalipayong mensahe. Sa pag-ingon, "Karon daghang mga simbahan mahadlok o magduhaduha sa pagwali sa ebanghelyo ni Hesu Kristo. Apan ang Manmin Central Church kahibulongan og espesyal nga simbahan nga nag proklamar sa Iyang ngalan ngadto sa tibuok kalibutan pinaagi sa gahum sa Diyos.

Pastor Jongman Lee, presidente sa Christian World Revival Mission Association nihatag sa panalangin sa katapusan sa serbisyo. Unya ang 30th Anniversary Celebration Performance ni sunud sa ilang tema nga "Heaven and Earth". Ang Performing Arts Committee

sa simbahan ni pahayag sa gugma sa Diyos nga mao ang nag giya sa simbahan hangtod aning ika-30 anibersaryo. Uban sa God-given songs, ang pasundayag nipakita sa mga heavenly-host, mga anghel, og ang kahumut sa mga kasingkasing sa mga earthly-people nga nag-agi sa balaang proseso sa pag-lambo. Sobra sa 500 ka mga tawo ang niapil sa pagpasundayag nga ni hangtod og 60 ka minutos. (kalabutang litrato sa pahina 4)

Dr. Kiril Svilenov sa Bulgaria niingon. "Natandog kaayo ko sa talagsaong pasundayag. Sigurado ko nga naa ang presensya sa Diyos." Pastor Tsia Fang Liu niingon, "Akong nabati ang kanindot sa langit og ang makusganong panglantaw para sa Langit niabot nako. Ang masanagong pasundayag nga nagtanum og paglaum sa katawhan para sa Langit, maipakatag unta sa tibuok kalibutan."

Ang mga miyembro sa Manmin nakasabot sa katin-aw, sa kahumut

sa Langit og naghimo sa dali nga resolusyon aron mahimong balaan og makapuyo sa New Jerusalem uban ang Diyos Trinidad hangtod sa kahangturan.

Ang anibersaryo nga serbisyo gitambungan sa daghang bisita apil na ang mga Christian-reporter sa sulod og gawas sa Korea, mga bisita gikan sa nagkalain-laing politikal og relihiyosong dapit, og ang mga miyembro sa World Christian Doctors Network nga nitambong niadtong mga Komperensya. Ang uban nila gikan pa sa U.S., China, Kenya, India, Germany og Peru. Ang mga pundok sa nagkalain-laing mga pagkaon gilata sa nataran atubangan sa simbahan og ang 'outdoor photo studio' gihimo para sa mga miyembro og mga bisita, naghatag kini sa dugang kalipay.

Oktobre 5, 2012, sa Friday All-night Sevice ang espesyal nga Manmin Magazine, ang presentasyon sa mga balita sa simbahan kada

simana, gipakita ubos sa titulo nga "The Walk of Faith". Kini nagpakita sa 30-ka tuig nga kasaysayan sa Manmin sa paspas nga pagtubo tungod lang sa giya sa Diyos. Sa tunga sa serbisyo, ang Performing Arts Committee nihatod sa espesyal nga pasundayag, "Glory to God". Wala pa mag-sugod ang serbisyo ang Children Marching Band nihatag sad og espesyal nga pasundayag didto sa outdoor-stage nga gi-adornohan sama sa langitnong flowerbed.

Niingon si Senyor Pastor Dr. Jaerock Lee "Sa ika-30 anibersaryo sa pag-abli niadtong July 2012, naa mi panahon sa pagpangandam sa among sakayan para sa mga panalangin og ang mga panalangin moduol sa simbahan og sa mga miyembro sa puno nga sukdanang sugod ining ika-30 anibersaryo." Ang panghimatuud sa mga miyembrong nakadawat sa dagkong mga panalangin nagpamatuud sa katinuud sa iyang mensahe.



Han'ay sa "The Message of the Cross" - (22)



Senyor Pastor Dr. Jaerock Lee

# Ang Tawo nga Dili Makadawat sa Kaluwasan Bisan pa sa Ilang Pag-angkon sa Pagtoo ni Kristo (2)

"Dili ang tanan magtawag nakog 'Ginoo, Ginoo' makasulod sa gingharian sa langit, apan kato lang nagtuman sa kabubut-on sa akong Amahan nga tua sa langit" (Mateo 7:21).

"Kon may makakita sa iyang isig ka magtutuo nga nakasala apan sala nga dili mo sangpot sa kamatayon, kinahanglan mag-ampo siya sa Diyos. Hatagan sa Diyos og kinabuhi ang maong magtutuo. Kini alang niadtong nakahimog sala nga dili ikamatay. Apan dunay sala nga mo sangpot gyud sa kamatayon og dili na kinahanglan nga mag-ampo pakamo alang niini. Sala ang tanang buhat nga dili matarong apan dunay sala nga dili mosangpot sa kamatayon" (1 Juan 5:16-17).

Anaa ang tinuod nga kaluwasan og langit niadtong nidawat ni Hesu Kristo og niadtong nituo sa Diyos. Pagka alaot atong niangkon sa ilang pagtoo sa Diyos, apan dili makadawat sa kaluwasan og mo sangpot sa impeyerno. Apan kon ang matag-usa magpakabuhin sa kabubut-on sa Diyos, dili lang niya makab-ot ang kaluwasan apan iya sang matagbuan ang Ginoo sa Iyang pagbalik og makaapil sa Wedding- Banquet uban ang Ginoo.

Sa Iyang ika-2 pagbalik, daghang mga tawo nga nakadungog na sa ebanghelyo apan dili gihapon motuo, sila mahabilin dinhi sa kalibutan nga subo og magbangutan, og ilabay ngadto sa mga kagubut. Imo bang ma hunahuna unsa kasakit para sa tawong nagsimba apan mahabilin dinhi sa kalibutan sa tumang kaguul og kasakit?

Sama sila nga walay rason sa pagduhaduha sa pagkatinuod sa ilang kaluwasan apan sila maputos sa kahadlok sa dihang ilang mahibaw-an nga sila mahabilin sa kalibutan, Mao nga sa atong pag asoy sa atong pagtoo sa Ginoo, ato gyung bantayan ang atong kaluwasan.

## 1. Ang Sala Batok sa Pagbarog sa Sulugoon sa Diyos

### Nga kinsa naay kapanghimatuuran sa Diyos og Nagpakita sa Iyang Gahum

"Pagpasipala batok sa Espiritu Santo" ang mga pulong nga gisulti og mga buhat nga gihimo aron sa pagbatok sa lihok sa Diyos. Gawas lang niadtong dili mga magtotoo nga wala mahibalo sa Diyos, kining mga pulonga og mga buhat nagagikan sa mga tawong ni angkon nga sila naay pagtoo sa Diyos og nakahibalo sa matuud. Walay kaluwasan nga moabot nila tungod kay kini tinuyo aron masupak ang lihok sa Diyos pinasubay sa ilang pagkadaotan.

Sa pagsaksi sa sulugoon sa Diyos nga nagpakita sa kaayuhan sa mga sakit og kadaot, og nagpapahawa sa mga demonyo pinaagi sa gahum sa Espiritu Santo, kon ang tawo mosulti gihapon og pagbatok sa iyang pagpangalagad og nagpakaulaw sa Espiritu Santo sa pag-ingon nga

ang gipakita "lihok ni satanas" unsaon pa man niya pagkatinuod nga matotuo sa Diyos? Sa pagsaksi sa lihok sa Diyos nga dili ma kopya sa kusog sa tawo, ang tinuod nga maayong dughan sa nituo sa Diyos magpasalamat lang og maghimaya kaniya. Apan ang mga daotan, dali kaayong molimud sa lihok sa Espiritu Santo og mo sultig batok sa Diyos.

Ang sala sa pagpanghilabot sa pagpangalagad sa sulugoon sa Diyos nga diin naay makita sa gamhanang lihok sa Diyos, kini sala nga dili gaan. Ang maong pagpanghilabot sama ra nga derektang nisupak sa Espiritu Santo og pag batok sa Diyos tungod sa paglimud sa tawo sa Diyos og sa lihok sa Espiritu Santo nga gipakita diha niya.

Sa dihang wala na silay pagkaon human sa Exodus, ang mga Israelita ni basol nila ni Moses og Aaron og nagbagulbul batok nilang duha, si Moses niingon nila, "kay nabati Niya nga kamo nagbagulbul batok kaniya. Kay kinsa man mi nga inyong bagulbulan? Ang inyong gipagulbulan dili kami kondili ang Ginoo."

Sa Buhat 5:1-5 ang estorya ni Ananias og sa iyang asawa, si Safira, namaligya sila sa ilang katigayonan og mohatag sa ilang halin ngadto sa Diyos. Sa ilang kahakog, ilang gitagoan ang ubang halin og nagdala lang og parti niini ngadto ni Pedro og nagpakaaron ingnon nga ilang gihatag ang tanan. Ang manag asawa wala manikas ni Pedro apan sa Espiritu Santo og nanghambog mismo sa Diyos, sila namatay nga walay higayon sa paghinulsol.

## 2. Mga Sala nga Mosangpot sa Kamatayon: Ang Pagpakaulaw sa Anak sa Diyos diha sa kadaghanan pinaagi sa Paglansang Niya Pag-usab

Sa Hebreo 6:4-6, "Dili na gayod makahimo paghinulsol pag-usab katong namiya kay kaniadto diha sila sa kahayag sa Diyos, nakatilaw na sila sa gasa sa langit og nakaambit sa Espiritu Santo. Nahibalo sila nga maayo ang Pulong sa Diyos og nakatagamtam sa gahom sa umaabot nga katuigan. Apan namiya gihapon sila! Dili na mahimo ang pagbalik kanila sa paghinulsol kay gilansang nila pag-usab ang Anak sa Diyos og ilang gipakaulaw atubangan sa tanan."

Kining bersikuloha nagtumbok niadtong nakadawat na sa Espiritu Santo, naka eksperyensya na sa grasya sa Diyos, nakahibalo nga naay langit og empeyerno, nakadungog og nituo na sa matuud nga Pulong, apan bisan pa natintal gihapon, gi abandonar ang Diyos, nabaklag, og walay duhaduha nga nagpugong aron ang himaya sa Diyos dili makita.

Kon ang tawo mosugod og tambong sa simbahan human makadungog sa ebanghelyo, naa pa tingali katapusang oportunidad para kaniya aron makadawat sa grasya sa kaluwasan bisan pa og taphaw ang iyang pagtoo og nalingla pa gihapon sa mga paagi aning kalibutana. Apan si satanas mas mo bangis pa pag-ayo alang niadtong nibalik sa kalibutanhong butang bisan pag ila nang na eksperyensya ang grasya sa Diyos diha sa lihok sa Espiritu Santo, ang kangitngit diha nila mas mo grabe pa. Mohimo sila og labaw pang daotan, kaysa dili mga magtotoo, mangulipas sa grasya nga ilang natilawan, og doblihon pa gani nila ang pagpakaulaw sa simbahan og mga magtotoo.

Ang tawo nga mo lansang pagbalik sa Atong Ginoo pinaagi sa pagpakaulaw dili na makadawat sa espiritu sa paghinulsol, sa katapusan moabot gyud sila sa kamatayon. Hunahuna lang si Judas Iscariot nga usa sa mga tinun'an ni Hesus. Siya ang unang saksi sa pagpangalagad ni Hesus, apan tungod sa iyang kaugalingong tinguha, siya nisangpot sa pagbiya ni Hesus og gibaylo niya si Hesus sa 30 silver coins. Si Judas nahulog sa kasaypanan og naglaum nga maka hinulsol apan wala siya mahatagi sa higayon sa paghinulsol sa iyang gibuhat, nagpakamatay og wala siya maka buntog sa kasakit og mga kagulan.

## 3. Sala nga Mosangpot sa Kamatayon: "Ang Pagsigig Pakasala Human Makadungog sa Matuud"

Sa Hebreo 10:26-27 nag-ingon, "Kay wala nay sakripiso sa mga sala kon tuyoan nato ang pagpakasala human kita makahibalo sa kamatuuran. Ang nahibilin nalang hinuon mao ang kahadlok sa umaabot nga paghukom og sa mabangis nga kalayo nga molaglag sa misukol sa Diyos!" Kining bersikuloha nagtumbok sa mga tawong nakahibalo og nituo sa tinuod apan nagsigi gihapon og himo sa mga sala nga gipahimatgon sa Diyos kanato.

Sa 2 Pedro 2:21-22 nagpahinumdom nato, "Maayo nalang unta og wala sila mahibalo sa matarong nga dalan kaysa mahibalo unya mobiya sa balaan nga sugo nga gihatag kanila. Ang nahitabo nila nagmatuud sa panultihon, 'ang iro mikaon sa iyang sinuka', og 'ang baboy nga humana ligoa molunang pag-usab sa lapok'." Ang tawo nga nagsigig pakasala nahibaw nga siya nakasala, maghinulsol og mo balik nasad sa pagpakasala.

Dihay panahon nga si King David sa Israel natintal og kadiyot, nakahimo sa makalilisang nga sala sa pagpatay. Sa dihang gisultian siya sa

propeta, ang hari naghinulsol dayon og nitalikod sa iyang mga binuhatan. Sa dihang siya gisulayan sa Diyos tungod sa iyang sala, nabuntog kini ni David diha sa iyang pagpaubos, nga maoy nakapaibot sa gamot sa makasala nga kinaiya diha sa iyang dughan og nakapahimuot sa Diyos.

Apan ang estorya ni King Saul lahi usab. Bisan siya gipahimangnoan ni Propeta Samuel sa iyang daotan nga binuhatan ang hari nihatag lang og rason, "nisupak ko sa Diyos kay kato man ang gusto sa mga tawo." Sa pagsigi og pakasala ni Saul sa atubangan sa Diyos sa walay paghinulsol sa kinahiladman sa iyang kasingkasing, ang hari ni sangpot sa pag tumpitumpi sa bongbong sa sala og sa katapusan gitalikdan siya sa Diyos.

Kini tinuod bisan karon. Kon ang usa katawo moingon nga siya naay pagtoo og nakahibalo sa tinuod unya makasala siya, iya gyung gision ang iyang kasingkasing sa paghinulsol, paglakaw sa kahayag, og maghimog maayong bunga kay ang Espiritu Santo na mismo ng mangaliya para niya. Kung siya magpakasala nalang, ang Diyos motalikod og ang tawo dili na makadawat sa espiritu sa paghinulsol og mosanta nalang unya sa Espiritu Santo (1 Tesalonica 5:19).

Tingali magtinguha ta nga magbasol apan ang paghinulsol mahitabo lang kung ihatag sa Diyos ang espiritu sa paghinulsol. Sa atong paghinulsol, ang Diyos mopasaylo nato sa atong daotan nga mga binuhatan. Kung dili nato gub-on ang bongbong sa sala taliwala nato og sa Ginoo pinaagi sa paghinulsol, sama sa giingon sa Diyos kanato sa Exodu 32:23, "Kinsa katong nakasala batok nako, ako siyang papason sa Akong libro," ang atong ngan nga nahisulat sa libro sa kinabuhi mahimong papason (Gipadayag 3:5).

Mga kaigsoonan ko ni Kristo, kon ang usa katawo makahimo sa sala nga mosangpot sa kamatayon, wala nay grasya sa paghinulsol o sa kaluwasan. Ato gyud paningkamutan nga dili ta makahimo sa sala nga modala nato ngadto sa kamatayon.

Labaw pa niana, kon ang atong daotan nga binuhatan dili "sala nga mosangpot sa kamatayon," kon dili nato papahawaon og hinulsolan dili ta makaangkon sa Espiritu Santo, matintal sa satanas og mapugus sa paghimo sa "sala nga mosangpot sa kamatayon," og sayang ang kaluwasan nga dili na maangkon.

Mao nga, maayo unta nga ang matag-usa kaninyo makigbatok sa sala og magdumili sa tanang daotan aron magmalipayon nga mo sugat sa atong Ginoo sa Iyang pagbalik, sa ngalan sa atong Ginoo Hesu Kristo ako nag-ampo!

## The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

- Jesus Christ, His Second Advent, the Millennium, and the eternal heaven.
  5. Members of Manmin Central Church confess their faith through "The Apostles' Creed" each time they come together and believe in its content verbatim.
- "[God] Himself gives to all people life and breath and all things." (Acts 17:25)  
 "And there is salvation in no one else; for there is no other name under heaven that has been given among men by which we must be saved." (Acts 4:12)

**Manmin nga mga Balita**

Bisayan

Published by Manmin Central Church

235-3 Guro-3dong, Guro-gu, Seoul, Korea (postal code 152-848)  
 Tel: 82-2-818-7047 Fax: 82-2-818-7048  
<http://www.manmin.org/english>  
 E-mail: manminministry@hotmail.com  
 Publisher: Dr. Jaerock Lee  
 Managing Editor: Geumsun Vin



# Ang pagkaila sa Manmin Central Church Maoy Pinakadakong Kalipay sa Akong Kinabuhi



Ang Manmin Central Church naghimaya sa Diyos pinaagi sa ilang nindot nga mga binuhatan sama sa mga nanag-unang simbahan ang ilang 'revival' og paglambo kahibulongan. Para mahibaw-an ang pagpangalagad sa Manmin daghang katawhan ang nibisita sa Manmin Central Church, nga gipanguluhan ni Dr. Jaerock Lee. Atong sawan ang mga panghimatuud nga puno sa grasya, niadtong mga nanambong sa ika-30 anibersaryo og namisita sa Muan Manmin Church.



**| Bulgaria |** Pastor Ivan Hazarbassanov

## “Si Dr. Jaerock Lee mapaubsanon nga tawo og ang iyang mga mensahe gamhanan kaayo!”

Bulgarian ko nga pastor uban sa 15 ka mga sanggang simbahan. Niadtong 2011, usa sa miyembro sa akong simbahan nga college-professor sa pharmacy, nitambong sa WCDN's 8th International Christian Medical Conference nga gihimo didto sa Australia. Pinaagi sa miyembro nakahibalo ko sa pagpangalagad sa Manmin.

Dugay nakong nangandoy sa gahum sa Diyos og karon nakabisita na gyud sa Manmin Central Church. Natandog kaayo ko og napanalanginan nga nakakita sa mga miyembro nga matinud anong nagsilbi sa Diyos og nag-ampo matag

adlaw.

Si Senyor Pastor Dr. Jaerock Lee mapaubsanon nga pagkatawo og broad-hearted. Naghigugma og nagsilbi sa daghang tawo. Ang iyang mga mensahe gamhanan og nagtudlo siya sa yawi para sa Kristohanong pagtoo.

Ang akong asawa og ako nga nag eskwela og music pag-college namo, nakadawat og dili maasoy nga grasya niadtong selebrasyon sa ika-30 anibersaryo. Nindot kaayo ang mga pasundayag, sama nga ang langit mopadayag ngari kanato.

Ang Nissi Orchestra sa Manmin nakadani sad

kaayo namo tungod kay dili sayon sa simbahan ang magtukod og orchestra. Ang akong asawa maoy in-charge sa music sa among simbahan, nagsigi nalang siya og hilak kay iyang nabati ang gugma og presensya sa Diyos sa tibuok pasundayag.

Ang matinud-anong pagdayeg og pagsayaw naghatag namo og mga panalangin og among nahunahuna nga ang maong matinud-anong pasundayag halad ngadto sa Diyos. Gusto nakong tudloan ang mga batan-on og mga bata sa among simbahan sa pagdayeg nga gikahimut-an sa Diyos pinaagi sa pagpakita sa maong pasundayag.



**| Indonesia |** Pastor Elly Tanuwijaya

## “Akong nabati ang tumang kalipay sama ko nga naa sa Langit”



Pastor ko sa “Preaching the Gospel Church” nga gipangalagaran ni Pastor Luhut, akong bana. Niadtong 2010, naayo siya sa “asthma” human makakita sa litrato sa mga kadasig sa main-sanctuary sa Manmin Central Church.

Amo sang nadawat ang mga pag-ampo ni Dr. Jaerock Lee pinaagi sa panyo (Buhat 19:11-12) og amo sad giampoan ang mga miyembro sa simbahan. Og nasaksihan namo ang ilang kaayuhan sa mga nagkalain-laing sakit pinaagi sa panyo sa pag-ampo. Pinaagi sa pag-ampo ni Dr. Lee nga naka-record sa DVD ‘Power of God VI’, ang among mga miyembro nangaayo sa ilang mga sakit og ang ilang problema

nanga sulbad.

Niadtong 2005, usa sa miyembro sa among simbahan nihatang namo og libro ni Dr. Lee ang *Heaven 1 og Hell*. Among nabati ang tinuod nga kinabuhi human aning kalibutana, samtang nagbasa sa libro. Sugod adto, among gisabwag ang mga libro ngadto sa mga tawo og ang *Balita sa Manmin* sa Indonesian nga sinultian ngadto sa among mga silingan. Daghan ang nalipay sa pag-ingon nga kahibulongan nga naay simbahan nga ang mga milagro nangahitabo.

Ang kining akong pagbisita sa Manmin gipangandaman ko ni sulod sa 7-katuig. Karon akong nabati ang lawum nga gugma ni Dr. Lee ngadto sa mga miyembro og nakadawat ko og grasya isip pastor.

Nagtan-aw sa 30th Anniversary Celebration Performance, akong naangkon ang kalipay nga walay sama, mura ko og naa sa langit. Makakurat nga ang simbahan nakahimo sa maanindot nga pasundayag. Ang mga sapot og props pwerting nindota. Nangandoy sad hinuon ko nga ang maong klase sa pasundayag nga naay paglaum sa Langit akong dad-on sa mga miyembro sa among simbahan.

**| USA |** Dr. Sergei Martinuk

## “Ang gugma sa Diyos og ang grasya sa Ginoo nibuhagay sa tibuok nako nga panahon”



Nakahibalo ko sa Manmin Central Church sa wala pa ang New York United Crusade 2006, ni Dr. Jaerock Lee. Si elder Johnny J. Kim niadtong sa USA og sayo para sa pagpangandam sa krusada og iya kong giampoan sa panyo nga inampoan ni Dr. Lee. Naayo ang akong tuo nga paa sa after-effects sa akong operasyon.

Unya nitambong ko sa New York United Crusade og nakasaksi sa gamhanang lihok sa Diyos nga gipakita ni Dr. Lee. Pinaagi nila ang akong Kristohanong kinabuhi nabag-o og nagmalipayon tungod sa pagpaminaw sa iyang sermon sa “The Message of the Cross”.

Daghang ang moingon nga nagtoo sila sa Ginoo apan kadaghanan nila wala mahibalo og unsaon pagpatubo ang ilang pagtuo, maghuput sa maayong puloy-anan didto sa Langit, og makakab-ot sa insaktong kaluwasan. Daghan pa gihapon ang nakig-uyon sa kalibutan. Apan si Dr. Lee nagtudlo nato sa mismong mga yawi para sa tarong nga Kristohanong kinabuhi; ang nagkalain-laing puloy-anan sa Langit og ang sukdanan sa pagtoo para atong mapahimutang ang atong Kristohanong kinabuhi nga naay paglaum.

Ang akong pagbisita sa Manmin Central Church napuno sa gugma sa Diyos og grasya sa Ginoo. Akong nakita ang tinuod nga Kristohanong kinabuhi diha sa mga miyembro sa simbahan. Samtang giampoan ni Dr. Lee akong nakita nga siya tinuod nga magbalantay nga matinud-anong nahigugma sa mga kalag.

Nagtan-aw ko sa kahinam sa “Heaven and Earth” ang pasundayag sa ika-30 anibersaryong selebrasyon, gamit ang mga pagdayeg, sinayawan og mga instrumento nga hinatag sa Diyos. Tungod ini nidako ang akong paglaum para sa Langit.

**| Japan |** Sister Yamane Kiyoko

## “Akong na eksperyensya ang espirituanong kalibutan didto sa nahimutangan sa Muan Sweet Water”



nahitabo nako. Ang gugma sa mga miyembro og ang pasundayag nga naghatag nako og paglaum sa langit naa sa simbahan. Dili nako mapadayag ang akong kalipay. Akong espesyal nga na eksperyensya ang kahibulongang lihok sa akong pagbisita sa Muan Sweet Water Site nga diin ang parat nga tibig sa dagat nahimong tam-is og mainom pinaagi sa

pag-ampo ni Dr. Jaerock Lee (Exodu 15:25).

Niadtong ko sa Manmin Church uban sa langyaw nga mga bisita nga ni ngadto sad para sa pag selebrar sa ika-30 anibersaryo. Giablihan sa Diyos ang ilang espiritwal nga mga mata, kasagaran nila gitugtan nga makakita sa espiritwal nga kalibutan. Nakakita sad ko og mga propeta diha sa mga kahoy,

ang ‘swords of the Spirit’, golden-colored jewels, og hagdanan gikan sa langit padong nako. Palibut sa adlaw, naay mga espada sa pulong nga niduol sa akong panan-aw. Kita sad ko og green- color og nagkalain-laing colored- lights og ang big-tree-shape nga golden light.

Akong nabati nga naay espiritwal nga kalibutan nga maoy naghatag nako og dako nga paglaum sa langit. Dugang pa, naayo ang tikig nako nga abaga, kakapoy sa akong mga mata, og ang akong naghubag nga bagtak human sa paghumol nako didto sa Muan Sweet Water pool.

Nagtoo ko nga ang pagdiskobre sa Manmin Central Church mao ang pinaka nindot nga



*Pasiuna*

Ang unang bahin "Prelude" gi-introhan sa instrumental nga maoy nagpahayag sa matahum nga panglantaw sa Diyos. Og gisugdan kini sa pasundayag sa sayaw sa mga anghel sa nindot og misteryoso nga 'melodies'; ang gamhanang pagpaso sa celebration-envoys; og ang kasaba nga maoy nag sulti sa sinugdanan sa pasundayag.



Ang 30<sup>th</sup> Anniversary  
Celebration Performance

**"Heaven and Earth"**



*Langit*

Ang ika-2 bahin "Heaven" nagpakita sa gugma sa Diyos Amahan pinaagi sa heavenly-archangels og sayaw sa mga angel og pagdayeg, nag selebrar sa ika-30 anibersaryo sa Manmin.



*Kalibutan*

Ang ika-3 bahin "Earth" nag representar sa mga anak sa Diyos nga niagi sa proseso sa pagkabalaan sa pag-ugmad dinhi sa kalibutan uban ang pag halad sa mga pagdayeg gisundan sa 'royal court dance', unya ang mga malipayong pagsayaw. Sa ilang pagtapos, ang tanang miyembro dunggan nga nihatag sa ilang mga malipayong pagdayeg ngadto sa Diyos.



**Mga Sangay ng Ministeryo ng Manmin sa Pilipinas**

**Manila Manmin Holiness Church**

441 Patato St, J-Figueras  
Sampaloc, Manila, Philippines  
Pastor Peter Bae  
Pastor Lucy Lee  
2-735-1423

**Bataan Manmin Holiness Church**

067 Daang Bago, Dinalupihan,  
Bataan, Philippines  
Pastor Peter Bae  
Pastor Lucy Lee  
0910-262-5465

**Isabela Manmin Holiness Church**

Purok 3, Brgy, San Roque, San  
Mateo, Isabela, Philippines  
Pastor Peter Bae  
Pastor Lucy Lee  
0905-649-1120

**Cavite Manmin Holiness Church**

5 Lot 33 Bk 1, Canutuhan (tenant),  
Santiago Gen.Trias, Cavite, Philippines  
Pastor Sharon Cho  
046-850-3193 /  
0916-674-3903 /  
0905-319-8191

**Imus Manmin Holiness Church**

Blue Bell St. Plaridel III Sub.  
Bayan Luma 7, Imus Cavite,  
Philippines  
Pastor Jubeom Kim  
0927-311-7633

**Cebu Manmin Holiness Church**

LOT N. 402 - B-4  
Looc Along Side The Canjulao  
Road, Lapu-Lapu City Cebu,  
Philippines  
Pastor Rossetta Sung  
0921-635-7595

**Davao Manmin Holiness Church**

301 Ilang Ilang St. Flores  
Village, Bangkal, Davao City,  
Philippines  
Pastor Kathryn Kim  
0908-635-2714